

厚齋文集

附石舟年譜
陶錫山書齋



(四)



序

庚申夏余應縣志局纂修之聘網羅鄉先達遺著張君誠齋手是編來謁曰此族伯石州公年譜先兄子善所編輯也余將墨諸版以行世敢以釐定之事爲請侗不辭僭越次其後先按年排比並增輯數十事凡四易稿而後寫有定本然先生著作等身元裔表外藩碑目諸書流落海內無從採錄且詩文雜稿凡年月未詳者概未闢入漏遺之咎知不能免尙覬當代碩彥喜讀先生書者詳悉搜羅更事修改闕者補之誤者訂之重新剞劂俾成完璧藉此譜爲引隍焉則幸矣辛酉上元日鄉後學蔡侗謹識

烏齋文集附

山右叢書初編

石州年譜

族姪張繼文編輯

鄉後學蔡侗審訂

嘉慶十年乙丑十月初九日申時生

先伯系張氏諱穆字誦風一字石州

又署石州 碩州碩舟

譜名瀛暹字蓬仙別署曰季

洩季翹惺吾烏齋

侗按何顯船考訂烏齋乃公讀書之所因以為號

晚號靖陽亭長

侗按平定州志靖陽

亭在桃水之北水經注靖陽亭故關城也今已廢

山西平定州人

始祖應祥明大同廣聚倉大使

七世祖敦明陽和司訓導

六世祖金榜州學生

五世祖瑤贈奉直大夫壽州知州

高祖新濼字際盛贈奉直大夫壽州知州

曾祖可舉字登榮國學生誥封奉政大夫泗州直隸州知州晉封朝議大夫鄉飲大賓

祖佩芳字蓀圃廩生乾隆丙子舉人丁丑聯捷進士安徽歙縣合肥縣知縣鳳陽府壽州知州泗州直隸州知州庚寅甲午兩充江南鄉試同考官晉封朝議大夫著希音堂集六卷翰苑集注二十四卷歙縣志二十卷黃縣志二卷州志十卷考誤一卷公餘雜錄三十卷社倉考一卷義倉考一卷春秋世系懿行載州志儒林宦績二門並山西通志鄉賢錄

考敦頤初名敦來字復之號曉汧優廩生嘉慶辛酉科拔貢舉人辛未進士翰林院編修記名御史治河方略館纂修武英殿纂修文穎館纂修丙子直省鄉試磨勘官丁丑殿試收掌官戊寅福建正主考

母王宜人繼妣李宜人

曉汧公行述原配王宜人陝西榆葭道諱凝孫先外祖繩祖公女繼配李宜

人浙之山陰人外祖諱廷良寶齋先生舅氏也

侗按平定州志王凝字敬一號南軒康熙進士官至陝西

榆林道又莫公事略公諱晉字錫三別著寶齋會稽人乾隆六十年進士殿試一甲二名授編修官至倉場侍郎

長兄開暹字伯啓國學生仲兄晉暹字仲明別署補菴廩膳生三兄麗暹字

叔正廩貢生平陽府訓導

希音堂集張氏族譜序余家明洪武初遷自洪洞今居廟溝及嶺西者皆是

而世系無考余七世祖萬歷間爲廣聚倉大使公一子爲陽和司訓導生四

字長居白楊樹次居上城三居桃坡是爲余高祖四無後次房患時疫余曾

祖侍疾終焉遂由桃坡遷上城其後次房析居學門鎮余父又遷大陽泉

希音堂集陽泉山莊記余祖父以來僦居州之上城乾隆庚寅始得大陽泉

俗稱花園者亭一池一舊屋二區雜木十餘章故白氏物也余知歙縣時念

親老無所庇因購得之稍稍修葺復購他姓廢亭移置於池北隅顏曰陽泉

山莊

原注山莊爲金棲雲道院故址元好問遺山集有宿陽泉棲雲道院詩曰方外復方外翛然心迹清開窗納山影推枕得溪聲川路遠誰到石

田平可耕霜林不
嫌客留看錦崢嶸

十一年丙寅二歲

是年曉泚公膺太平令顧公玉書之聘延主太平書院

十二年丁卯三歲

十三年戊辰四歲

十四年己巳五歲

十五年庚午六歲

祭叔正三兄文吾兩人幼同游長同塾兄豐姿玉映讀書敏悟年十歲

本文尾有

諱少于兄僅四歲耳云云

已能背諷周官全文不偽一字學大歐書英拔出羣吾父嘗召

穆示之曰汝何日能作此書當重賞汝穆勉強奔赴卒不能及也

是年長姑歸同邑廣西藤縣知縣任君質淳之次子模靖

侗按模靖字立青廩膳生

十六年辛未七歲

是年曉汧公成進士選翰林院庶吉士

十七年壬申八歲

十八年癸酉九歲

是年訂婚同邑劉廣文濤之次女

洞按濤字壽川廩貢生永濟縣教諭

十九年甲戌十歲

是年夏曉汧散館授職編修

冬先伯至京師

二十年乙亥十一歲

烏齋詩集題蔡友石春明揖別圖我從總角侍先子玉弁荷衣初出見

注余年十

一從先子為公獻歲

七月丁王宜人憂

曉汧公行述持家久積勞得心疾時發時止乙亥在京寓疾又作醫藥罔效

至七月初五日竟舍家人而逝秋府君命扶柩歸停于內寢

補菴公行述

先伯撰

逾年母遘心疾兄入則調護湯藥出則血疏顙天而鮮民

無祿慈幃終揜當斯時瀛滯甫十歲父固以父而兼師兄實以兄而代母晨而興也兄衣裳之夕而寢也兄撫摩之察其飢爲市美餌憫其垢爲易新服以是失恃三年不知無母之苦也

二十一年丙子十二歲

是年曉汧公充直省鄉試磨勘官

二十二年丁丑十三歲

四月曉汧公充殿試收掌官

七月以御史記名

冬繼太母李宜人來歸

曉汧公行述母幼端靜外祖父母甚鍾愛之年十八歸府君時先母已棄養

三年矣不孝等垢裾敗絮壅塞盈笥吾母初至即為澣濯縫紉一如先母生

時

二十三年戊寅十四歲

二月曉汧公大考列二等

五月初十日曉汧公簡福建正考官副之者中書舍人陳君詩

侗按清題名碑錄陳詩嘉

慶己巳恩科進士

賦紀恩詩三章

其詩云傳來天語詔書榮閩越星軺督使程鉅省人文衡不易中材委任職非輕幾

順天宛平縣人 番楮費三年刻四十丹還九轉成一自注余鄉會九試一切莫特才輕閱過

倍加詳慎答皇城出都車馬轉庚郵聖主恩深未易酬幸有頭銜能却暑敢

赤水投似徵秋金絨度本青箱續一自注先君庚寅分校學全羣英輩出仰

前賢心香一瓣人爭奉衣鉢兩家吾愧傳一自注莫實齊何昭甫兩師先是

深宜鎖 又途次奉酬陳舍人詩一章

善化人嘉慶進士官巡撫著有

耐菴文存並輯經世文編

七月十一日曉汧公卒於浙江建德縣年四十有七

曉汧公行述行抵杭州忽感受暑風未甚也七月十一日至嚴州府建德縣

屬之大洋早晨猶送客出艙外西刻痰涎上壅竟致不起時吾州張君去非

先大父弟子也適宰是邑親視殮含云伺按平定州志張四箴字去非乾隆甲寅舉人官建德知縣循聲卓著性

豪邁善飲嘗蓄異式酒卮十二種號十二杯主人解組時囊橐蕭然惟琴書數箠而已

補菴公行述戊寅之六月先大夫奉命主試福建塗出嚴州感暑風奄捐館

舍兄聞訃偕伯兄繭足星奔昇柩返葬李宜人亦自京師攜瀛暹歸視葬事

冬李宜人挈先伯至京就傅

曉汧公行述吾母聞訃誓欲身殉撫膺呼天悲動一室既乃忍淚撫不孝瀛

暹而言曰汝父以兒屬我我死兒幼弱其誰屬我其姑俟之由是遂持長齋

終身不復肉食寶齋先生時官倉場欲留吾母於家母以瀛讀書故從之遂

于是冬攜瀛至其官署瀛就外傅每夕歸吾母坐榻上令執卷旁誦燈昏漏

歎淚熒熒常在目也自後每聞學業有進則喜溢顏色否則惆悵累日繼之

以泣曰汝父冀汝成立若荒而不學我何以見汝父於地下至今念之昏覺

此言之痛也

伺按莫公事略先君子見背公迎先繼妣於家穆因得受教于公所以誨諭獎進之者有逾子姓

二十四年乙卯十五歲

曉泚公行述四月旋里治府君葬事九月二十六日暨顯妣王宜人安葬於

洄嶺祖塋之次

二十五年庚辰十六歲

曉泚公行述次年春寶齋先生復以書來招時楊氏妹年已及笄吾母遂并

挈入都

補菴公行述葬既畢復同奉板輿入都依莫寶齋表舅於潞河督署維時舅

方以性命之指提呼後進而吾師吳樸菴先生實館其家

繼按吳實字樸菴浙江蕭山人

是年夏適任氏長姑亡年二十有五

道光元年辛巳十七歲

祁叔穎烏齋文集序石州少孤依母黨莫寶齋居即喜觀儒先學案言之甚

悉繼少時從友人處獲睹先伯節錄姚江王陽明集呂語集粹羣山劉子語錄祝淵王毓著傳漳浦黃道周傳即庚辰辛巳手鈔本也

烏齋詩集述懷感舊詩會稽舅氏行宏識鏡人倫講德挾根奧聽倦客欠伸

幼眇欣有會請辨恒斷斷賞我具夙慧汝器天朝珍

二年壬午十八歲

三年癸未十九歲

是年春季姑歸介休貴州鎮甯州知州楊公文楷子煦副貢生六月先伯母

劉孺人來歸

烏齋詩集悼婦篇總角訂婚姻十九議嫁娶結髮十六載強半異居處慘君

入門始丁我家多故自注時癸未六月也

二十一日丁李宜人憂卒年二十有四十二月二十一日合葬於祖塋之次

曉泝公行述始乙亥吾母歿不孝等依父如母父歿依母如依父也所冀兄弟四人儻有寸進或可稍慰母心今并不獲終事吾母矣嗚乎一世孀居六年育子婚嫁甫畢音容遽杳豈吾母至是仍不忘身殉之誓也耶

怡山李君墓志銘穆年十九奉母旋里無可考鏡輒以文謁君君為開判疑

滯刮摩潤色不因椎魯所遠也

侗按平定州志李曰茂字子才別名怡山道光乙未舉人

四年甲申二十歲

是年點定翰苑集注並修改凡例數條

書存中 澗李氏

五年乙酉二十一歲

烏齋詩集煙雨歸耕圖注是年先伯與叔正公讀書蒲臺山

侗按平定州志山在州西二十

五里有巨石數丈盤聳古松間石上有穴深尺許中產菖蒲水冬夏不竭晴雨輒應故名

六年丙戌二十二歲

是年蔡學使廣颺案臨先伯入郡庠題未可也諸大夫皆曰賢文收入山右

試牘補菴公亦以高等補增廣生

伺按題名碑錄祭廣颺道光壬午恩科進士浙江德清縣人

座右常自

題曰修身如補屋一處不密則漏

七年丁亥二十三歲

烏齋詩集悼婦篇注是年春入省肄業

八年戊子二十四年

補乃公行述戊子科試瀛暹忝列第一而兄第三同時食廩餼三兄亦入郡

庠一門之中蒸蒸有起色矣兄獨愀然不樂謂瀛暹曰吾兄弟十年之內三

攫重戚今雖死灰有復然之機會不得奉觴上壽一笑相樂可痛孰甚且即

以科第論先大夫執掌王事齋志以歿所有待於後人者尤非區區一衿遂

克仰酬先志言訖泣然瀛暹謹志之不敢忘

九年己丑二十五歲

祭叔正三兄文猶憶己丑歲穆與兄同讀書十柏山房兄病目楚甚中夜嘯

穆起告以所苦穆曰可奈何兄曰無可奈何但告弟知卽分我楚耳時靈州李姑丈絳宿於閣中聞之泣下歎曰兄弟疾痛相關乃如此由今念之誠足

痛也

繼按絳道光戊子舉人官訓導

十年庚寅二十六歲

補菴公行述歲庚寅瀛暹以疴羸善病養疴天門山之玉皇觀兄不時來來輒爲經紀其衣食六月初尙一至山齋留信宿乃去及初八日之夕漏四下矣猝有呼於觀下者驚起訊之則報兄以中風詢仆環救未蘇奔歸入視見兄合目僵臥左手足已成痿痺脈之或曰熱厥也或曰陰虛傷風而經絕也病榻幢幢迄無定見瀛暹祝而簪之遇乾之同人其繇曰同人先號咷而後笑大師克相遇奉兆噉然失聲知兄之將不起也嗚呼天何奪吾兄算之速至此亟邪兄善行楷自孩幼弄筆已驚其長老稍長摹績趙松雪惟妙惟肖旣以鄙其爲人痛自盪滌登善清臣兩家外不屑規仿也尤熹寫書自本經

以及諸子文集鈔撮等身而蠅頭細字一筆不苟瀛暹謹甄諸篋衍將待孝

祈之壯而授之

侗按趙孟頫字子昂號松雪道人湖州人本宋宗室降於元官翰林學士承旨故又稱趙承旨書法緒米尤工行楷善山水人物為畫家南宗

水人物為畫家南宗
著有松雪齋集十卷

十一年辛卯二十七歲

二月訪祁叔穎於壽陽

侗按山西通志祁雋藻字叔穎壽陽人嘉慶甲戌進士選庶吉士官至體仁閣大學士諡文端著有漫叟

亭詩集馬首農言
物學齋筆記行世

漫叟亭集二月晦日大雪詩回頭笑問張公子本色豪端已如此

注時張石州過訪信

宿

九月以優行貢成均

十二年壬辰二十八歲

正月始復入都

使黔草苗先路叙余辛卯舉優貢壬辰應朝考至都同年咸集獨與何子貞

張石州以說經講小學最相得

侗按紹基字子貞湖南道州人道光丙申進士官編修著使黔草苗黎字仙麓甯甯人優

貢生著有說文聲讀表等書

考取正白旗漢教習

烏齋文集癸巳存稿序壬辰冬理初館新城陳碩士侍郎所為校顧氏方輿

紀要穆一再過之頗多請益理初賞之曰慧不難慧而能虛虛而能入為難

因與訂交然理初年長於穆者倍穆禮事之等為先生不敢與齒也

侗按理煖字正

初縣人著有癸巳類稿刻入連筠篔叢書

烏齋詩集述懷感舊詩俞君黻大儒精博蘭陵荀客邸一解后過從輒頻頻

十三年癸巳十九歲

烏齋文集程侍郎遺集序穆於癸巳之春初侍公直園情好之治久愈摯不

三五日必召過飲投巾振袂談議交錯寒士之被禮者殆無與比

侗按程恩澤字春海

歙縣人嘉慶辛未進士官戶部侍郎